

جريدة محكمة

جمعه ايرتسى

نومرو	ربيع الاول	سنه	كانون اول	سنه	صفحة
۳۷۲	۲۸	۱۳۰۴	۱۳	۱۳۰۲	۳۸۷۱

- اشبهو غزته بهر هفته جمعه ايرتسى كونلرى چيقار سنه لى در سعادت ايچون مجديه
- يكرمى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر
- نسخه سى بنه مجديه يكرمى غروش اولمق اوزره يوز پاره به هر يرده صاتيپور درج اولنه جق اعلاناڭ
- هر برندن بر مجديه اخذ اولنور سنه لکنه مشترى اولمق استيانلر عدليه نظارتى دائره سنده کائن
- جريدة محاکم اداره سنه مراجعت ايتليلدر


قسمت سى

توجیهات

بيروت تجارت محکمه سى رئيسى سعادتلو عبدالقادر افندى به رتبه اولى صنف ثانيسى اورفه تجارت محکمه سى رئيسى عزتلو حاجى محمد باقر افندى به رتبه ثانيه صنف ثانيسى طرابلس شام بدايت محکمه سى جزا دائره سى رئيسى عزتلو عارف افندى به رتبه ثانيه صنف ثانيسى توجیه بيور لمشدر جزاير بحر سفيد مرکز بدايت محکمه سى رئيسى اولاسى ملغا سوريه عدليه منشى عزتلو سرى افندى به توجیه اولنمشدر

عدليه نظارت جليله سى سجل مأمورين قلى خلفاسندن تحسين ومظهر بکار قلم مذکورک برنجى صنف خلفالغنه ترفيع بيور لمشدر سوريه بدايت محکمه سى جزا دائره سى رياستى طرابلس شام بدايت محکمه سى مدعى عمومى معاونى حسين يحيى افندى به طرابلس شام بدايت محکمه سى مدعى عمومى معاونى لازقيه بدايت محکمه سى مدعى عمومى معاونى محمود افندى به لازقيه بدايت محکمه سى مدعى عمومى معاونى رروس بدايت محکمه سى مدعى عمومى معاونى عزتلو محمد بکه


ردوس بدایت محکمه سی مدعی عمومی معاونتکی
سوریه بدایت محکمه سی جزا دائره سی رئیس
سابق کامل افندی به توجیه اولمشدر



- (ولایات بلدیہ قانونہ ذیل اوق اوزرہ قلمہ)
- (النوب مرعیت احکامہ بالاستیذان ارادہ سنیه)
- (جناب پادشاهی متعلق و شرفصدور بیورلمش)
- (اولان مادہ قانونیه صورتیدر)

نواحی مرکز لریه قابل اعمار اولان جسامتلی
قریه لرده ولایتلر جانبدن کوسرتیلر جک لزوم
وو قوعبوله جق انها اوزر بنه بلدیہ دائره لری
تشکیلنه مساعده اولنور و او مثللو مرکز ناحیه
وقریه ده استیفا اولنان رسوم بلدیہ کندو دوائر
بلدیہ لرینه عائد اولنور

فی ۱۳ صفر سنه ۳۰۴
وفی ۳۰ تشرین اول سنه ۳۰۲




- (اعلامات شرعیہ نک تمیز و استیضای حقنہ)
- (اولان تعلیماتک بدنجی بندی مقامنه قائم اولمق)
- (اوزرہ قلمہ النوب مرعیت احکامہ بالاستیذان)
- (ارادہ سنیه جناب پادشاهی متعلق و شرفصدور)
- (بیورلمش اولان مادہ نظامیه صورتیدر)

MILLI KÜTÜPHANE ANKARA

بدنجی بند فتواخانه ویا مجلس تدقیقات شرعیہ دن
استینافاً فصل ورؤیتنه لزوم کوسرتیلان دعوی
بدایه رؤیت اولندیغی محکمه ده استینافاً فصل
ورؤیت اولنور شوقدر وارکه فتواخانه ویا مجلس
تدقیقات شرعیہ دن دعوی مذکورہ نک دیگر
بر محکمه شرعیہ ده استینافاً فصل ورؤیتنه لزوم
کوسرتیلور ایسه اوراده استینافاً فصل ورؤیت
اولنور


فی غره ربیع الاول سنه ۳۰۴
فی ۱۶ تشرین ثانی سنه ۳۰۲



- (بالعموم ولایات مدعی عمومیلر بنه فی ۲۱)
- (ربیع الاول سنه ۳۰۴ وفی ۶ کانون اول)
- (سنه ۳۰۲ تاریخنده یازیلان تحریات)
- (علیہ نک صورتیدر)

مالیه مفتشلی طرفندن جانب حزینہ به ارسال
اولنوب مجلس مالیه جه بعد التصدیق دوائر
عائده سنه تبلیغ اولنان لایحه لرده مندرج مواد
حقنہ اقتضا ایدنلره اجرای وصایا اولتمقده
ایسه ده شمردی به قدر تبلیغ اولنان مواد و معاملاتک
هیچ برینک نتیجه لندیکنده دائر جواب النعمیوب
حالبوکه هیئت تفتیشیه نک حزینہ جلیله به اعاده
ارتباطندن مقصد اصلی اولان فوائدک استحصالی
مفتشلیک اخبارات و اشعار اتدن تحصیل معاملاتک


تمامی اجرا اتمیله نتیجه لندیکنده متوقف اولدیغندن
مواد تفتیشیه نک تبلیغات مجردہ خالندن
قور تار بله رق فعلیات جدیدیه به انتقالبه نتیجه لندیکنده
ارادہ سنیه مقتضای عالیسنندن بولندیغی بیانیله
ایجاب حالک اجراسی مالیه نظارت جلیله سنندن
باندکره اشعار اولنش اولغین شمردی به دکن پیدرپی
وقوعبولان تبلیغاتک وبعدهما مواد تفتیشیه حقنہ
تسطیر اولنه جق محررات احکامک سرعت انفاذیله
نتیجه حاصله نک اشعاری خصوصه



- (فی ۱۳ ربیع الاول سنه ۱۳۰۴ وفی ۸)
- (کانون اول سنه ۱۳۰۲ تاریخلو و ۵۵۵)
- (نومرولی شرفوارد اولان تذکره سامیه)
- (صورتیدر)

موظف وفخری شهیندرلر طرفندن ویربله جک
پساپورط و مرور تذکره سی و تابعیت علم و خبری
واوراق رسمیه سائر ایله لاجل التصدیق امضا
اولنه جق سندات و اوراق سائر نک کافه سنندن
اخذ اولنان رسمک مقدارینه کوره پول یاپشدرلمسی
واوراق مذکوریه پول یاپشدرلمدیغی حالده معتبر
طوتلیه رق علاقه دارلره ترتب ایدن ضرر وزیاندن
شهیندرلرک مسؤل طوتلیسی وحققرنده اجرای مجازات
اولنسی شهیندرلر نظامنامه سی اقتضاسندن اولدیغی
حالده بعض شهیندرلر طرفندن اوراق مذکوریه به

النان رسم مقابلنده پول یاپشدرلر لما مقده اولدیغی
ودوائر رسمیه و محاکم عثمانیه به ابراز اولنان بو مثللو
پولسز اوراقدن رسومات امانت بیه سنندن ماعدا
دوائر دن معلومات ویرلماکنده اولدیغندن مغایر
نظام حرکته جرأت ایدن شهیندرلر مسؤل
طوتلیه مدیغی بیانیله اشبو سوء استعمالک اوکی
النقی اوزره شهیندرلر حانه لردن اعطا و امضا اولنان
بالجمله اوراقدن استیفا ایدیله جک رسمک مقدارینه
کوره شهیندرلر خانه لره مخصوص پول یاپشدریله جغنک
وبولسز اوراقک دوائر و محاکمجه معتبر
طوتلیه جغنک غزنه لره نشر و اعلان ایدلمسی
و کیفیتک عموم دوائر و ولایات اشعاریله برابر
اله پکوریلان پولسز اوراق دائره خارجیه به
کوندرلمسی لزومی خارجیه نظارت جلیله سنندن باندکره
اذبار اولنش و صورتحال لازم کلنره بیلدرلمش
اولغله نظارت جلیله لریجه دخی اکا کوره ایجاب
حالت ایفا سنه همت بیورلمسی



(تصحیح)

جریده مزک ۳۷۱ نومرولی نسخہ سنک ۳۸۷۰ نجی
صحیفه سنک ایکنجی سنونک بدنجی سطرندہ
(اعلانن) دنیله جک یرده اعلان و (اون بش
کون) صکره دنیله جک ایکن ترتیب سهوی

اوله رق اون کون دینش اولغله تکیج کیفیت اولنور

قسم غیر رسمی

اصول محاکمات جزایه قانون موقتی مملکتزجه اثار جدیده قانونیه دن اولغله برابر بونک تاریخ تنظیم ونشرینه قدر وضع وتأسيس بپوریلان قوانین عدلیه اساسیه دن اره صره بالبحث مواد جرمیه نظامیه نك رویتجه جاری اولان اصول وقواعد عتیقه به دائر جریده مزله استفاده کاه انظار عمومی به بعض معلومات مجله تاریخیه اعطاسی فائده دن غیرحالی بولنمشدر
ازجمله اصول سابقه دائره سی داخلنده اولمق اوزره افعال جرمیه ده مأمورین ملکیه نك اساس معاملاتنی ومحاکم جزاییه نك دائره حرکاتنی بر درجه به قدر تحدید وتعیین مقصد اسایش پرورانه سیله ۲۷ صفر سنه ۸۶ تاریخنده دیوان احکام عدلیه نك هیئت عمومی سی قراربه ترتیب وتنظیم ایدلش اولان تعلیمات موقته اصول جاریه دینلان قواعد کلیه بی جمع وتلفیق ایش واول وقتک حکمجه مواد جرمیه نك صورت تحقیقات وتدقیقاتنی ومحاکمات جزاییه نك جریان معاملاتنی

تسهیل ایتکه برابر خبلی احکام مفیده بی متعین بولنش اولمی جهتیله اصول جزاییه نك تعریف مبادیسی وتاریخ عدلیزی تشکیل بدن مجلدهات قانونیه نك بر مقدمه انتظام پرورسی مقامنده ذکر وتقديره شایان بر اثر فائده کستر بولن دیغی ونسخ مطبوعه سی اندر حکمنده قالدیغی ایچون اصول محاکمات جزاییه مزجه بر معلومات تاریخیه اولمق وتحصیل کالات علیده بولنان مکتب حقوق شاهانه طلبه سیله منتخبین عدلیه نك استفاده لرینی موجب اثار نفیسه عدلیه دن معدود بولنمق اوزره بوجه آتی نیئا جرید مزه نقل ودرجی مناسب کورلمشدر

سایه اسایش سرمایه حضرت پادشاهیده استراحت وامنیث عمومی نك محافظه سی نظامات موضوعه به حسن مراعات ایله حاصل اولدیغی کبی وقایه سی حکومتک وظائف مخصوصه ومسئله سندن بولنان انضباط مملکتک بقسامی دخی محضاً نظامات مذکورنک اکیداً اجرا سیله حصوله کله جکی بدیهاتندن وعلی العموم مجریمک مأمورین حکومت طرفندن بالمحاکه تأدیب قنلری لوازم اموردن اولمیله وممالک محروسه شاهانه ده وقوعه کلان جنایاتک مدعیسی ظهورینه باقبوب جانب حکومتدن ایفای تحقیقاته ومجاسر لرینک ظاهره بالاخراج اجرای تأدیباته مباشرت وبعند المحاکمات جنایت بتون بتون مدعی به تکمیل

اولنوبده مرور زمان ایله تحقیق وتبیین ماده مشکلاته کرفتار ایدلیه رک وبوندنطولایی حقوق عباد وحکم قانون ضایع اولسنه ونقصان تحقیقات واستنطاق اوزرینه ایش اشعار واستشعاره دوشیریلوبده بر طاقم اشخاصک بلا حکم محبوس قالمه سنه وصاحب حقک دخی سنه لرحه مصلحتک پیشی صره طولاشمنه سببیت وبرلمه رک هرکونه تدقیقات وتحریراته مسارعته صرف قدرت اهم امور بولنمسیله ومحاکمات وتفرعاتنه دائر نظامات مخصوصه دردست مذاکره ایسه ده بونک اکالیله موقع اجرا به وضعی بر از وقته محتاج کورنمسیله شمیدلک تعلیمات موقته اولمق اوزره دیوان احکام عدلیه نك هیئت عمومی سی قراربه بوجه آتی بعض تنبیسات ووصایایه ابتدار اولنور

اصحاب جرمک بالنحری دردست اولنلری ضابطه وملکیه مأمورلرینه عائد وظاقتدن اولدیغی کبی مجاسر اولدقنری جرائمک مرکز ثبوته کتوریلهرک قوانین ونظاماته تطبیقاً مجازاتلرینک تحدید وتعیینی دخی محاکم ومجالس مأمورلرینک وظائفی جمله سندندر

اصحاب جرمک تحری واخذو کرفته تعیین اولنه جق ضابطه وملکیه ومحاکمه لرینی اجرا ایله جک مجالس ومحاکم مأمورلری طرفندن بی جرم وبی کناه اولان کسنه نك سهواً ویا جهت سائره ایله کرفتار مجازات اولماسی ایچون هر نوع تقیدات

وتدقیقات اجرا ایتلری امور مفروضه لرندن اولدیغی کبی اصحاب جرایمک دخی مجازاتسز قلامسی ایچون دقت موش کافانه ایفا ایتلری دخی لوازم اموردندر

قتل وجرح وغصب اموال وسائر درلو جنایات واضرار عامه واخلاق نظام بلده بی موجب حالاتک وقوعنی حکومت خبرالیدیغی آنده درحال مجاسرینی تحری به وصورت وقوعنی دلائل وامارات قویه واخبارات موثوقه ایله تحقیقه همت ایده جک ومجرد تدقیق جنایت وجنحه ضمننده اول جنایت وجنحه نك وقوعندنطولایی متضرر اولوبده ادعاده بولنمیان مظلومیندن وارباب وقوف ووثوقدن استسأل واستعلام کیفیت ایلیه جکدر

بعض امارات اولسه مرور زمان ایله محو وزائل وقابل الاجرا اولان تحقیقات وتدقیقاتک ایفاسی غیر قابل اولوب ثبوت ماده بی تضعیب ایله جکندن اصحاب جرایمک تحری ودر دست ایدلسنه مأمور بولنانلر وامر تحقیق وتدقیق وظیفه مأموریتی اولانلر وظیفه لرینی سریعاً اجرا به وبلا افاته زمان تحقیقات وتدقیقات ممکنه وایجابیه بی تمامیه ایفایه اعتنا وهمت ایله جک وبر شخصک قانوناً جزای موجب بر فعل قبیح اجرا ایدلیکنی کوروب ویا ایشیدوبده وظیفه سنی ایفاده اهمال ومسامحه ایلپان مأمور قانوناً مسؤل طوتیه جقدر

بر محله بر جنایت ویا جنحه وقوعی طرف حکومتدن خبرالیدیغی عقینده ضابطه مأمورلری

اول محله عزیمت و کیفیتی کشف و تحقیقه مسارعت
ایدوب اول امرده مظلوم و متضرر اولنلرک
دعواسی ضبط اولندقدن و مجروح اولان وار
ایسه در حال خانه سنه و خانه سی اولدیغی
و حسنه خانه بولندیغی تقدیرده محفوظ بریره
قالدیروب او محمله و یاخود جوارنده بولنسان
کسنه لری دخی استجواب قلدقدن بشقه جریمک
وقوع بولدیغی محکمک مواقع و احوال سائره سنی
کمال دقله معاینه ایله مرک معلومات و مشهودات
واقع لرینی اولباده تنظیم ایده جگری ژورنال قید
و ترقیم ایده جگر و قتل وقوعنده مقتولک جسدینی
ویالکز جرح وقوع بولدیغی تقدیرده مجروحک
جریحه لرینی کوزله معاینه ایدرک اوراده جراح
و طبیب بولنور ایسه انلره دخی کوسستره رک
جریحه لرک نه جنس ونه شکل ونه درینلکده
اولدیغی و مجروح و مقتولک زه سنه ونه طرفه
طوغری ایقاع قلددیغی و جسدنده یاره وبره
اولوب اولدیغی ونه مقوله آلت جارحه ایله
اولیق ملحوظ بولندیغی خصوص لرینی دخی
اکلا یوب تفصیلاً ژورنال درج و علاوه ایله
بویاده استعمال اولندیغی مأمول اولوب کرک موقع
جنایتده و کرک تحت شبهه ده اولان کسانده بولنسان
بالجمله اسلحه و اشیای سائره بی محاکمه کجرا سنه
مأمور اولان مجلسه ابراز و ارائه ایتک اوزره اخذ
و ضبط ایله جگر در
کرک وقوع بولان جرمدن متضرر اولان کسنه نک

واولدیغی تقدیرده مواد مذکوره محفوظاً ک
یقین یرده بولنسان حکیمه ارسال ایله انلرک معرفت لریله
معاینه سی اجرا ایتدیر یله جک و مسموم اولان
کسه به سم کیمک طرفندن و صورتله اکل و شرب
ایتدیر لیدیکی و کیمک واسطه سیله تدارک قلددیغی
دخی تحقیق قلدنجه قدر و سم مذکورک نه مقوله
اجزادن عبارت ایدوکی ممکن مرتبه تدقیق
ایدیله جگر
ضرب و سم و یا جرح ایله قتل اولنلرک اکثریسی
در حال وفات ایتدیوب براز ایام و یاخود بر قاج
ساعت یاشامقده اولدقنندن او اراق قومشورلندن
و یاخود احباسندن کیدوب کورنلره قدرتی اولنلر
قاتلنی حکایه ایتلری امر طبیعی اولمغله کیفیت
قتلی و قاتلی کوروب خبر و یرن اولدیغی حالده
اولوجهله قبل الوفات مقتولدن ایشیدنلر و ارایسه
انلردن بالسؤال افادات واقع لری ژورنال قید
اولنه جق و مقتول انلره اوسوزی سولیدیکی وقت
عقلی باشنده و شعوری برنده اولوب اولدیغنک
تحقیق و تدقیقنه پک زیاده اعتنا قلدنجه قدر
مقتول کرک آلت جارحه و غیر جارحه ایله قتل
اولنسون و کرک مسموم و یا مخنوق و یاخود مصلوب
بولنسون اول امرده کشف و معاینه اولنوب اعلامی
تنظیم و طبیب و یا جراح طرفندن راپورطی اعطا
ایدیله جکه دفن ایتدیر لک بروجهله جائز اولمه جفندن
قتلک واقع اولدیغی یرده حاکم و طبیب و یا جراح
وار ایسه در حال انلر واسطه سیله و حاکم و طبیب
و یا جراح بولندیغی تقدیرده زیرده بیان اولنه جق
وجهله مقتولک جسدینی کشف و معاینه ایتدیر میدرک

دفن ایلیان ائمه و مختارک مسؤل و معاتب اوله جگری
جمله سنه بیلدیر یله رک بوا مر لازم الاعتیایه مراعات
اولنسی ضمنده دقت متمادیه اجرا ایدیله جگر
وقریه و قصبه ده حاکم و طبیب و یا جراح اولیوب
جوارندن جللی و قته محتاج ایسه او حالده مقتولک
نعشی اوراده بولنسان حکومت مأمولری و اصحاب
معلومات و وقوف معرفت لریله بعد المعاینه دفن ایدلکد
نصکره معاینه ایدنلر کورد کلرینی و اکلا یه بیلدکلرینی
مختموم و ممضی ورقه ایله بیان ایدیه جگر در
مقتول مخنوقاً و یاخود مصلوباً قتل اولنش ایسه
بوینده ایب و طرناق و پرمق اثری و اخناق و صلب
اولندیغی محمله و سائط خنق و صلب بولنوب
بولندیغی و بولندیغی تقدیرده نه کبی شیر ایدوکی
و او محکمک ارتقاعنک انسان صلبنه قابلیت اولوب
اولدیغی اطرافیه تحقیق اولنه جقدر
سرقت ماده لرنده سارقک سرقت وقوع بولدیغی بیان
اولنسان محله نوجهله ونه طرفندن لیللاً و نهاراً
ساعت قاجده کیردیکی و دیواری یقوب قپو
و سائره قیردیغی و یاخود دیواردن زردبان ایله
و یا زردبان سز آشوب آشمدیغی و دخولنه و خروجنه
دلالت ایدر محل سرقتده بر اثر براغوب بر اقدیغی
و بر اقدیغی نه کبی اثر اولوب صورتله بولندیغی
و معینلری و سلاحلری اولوب اولدیغی و حین وقوع
سرقتده معامله جبر و شدت وقوع بولوب بولدیغی
بر قاج ارقداش اولوبده ایچلرندن بعضیسی مسکنه
کیرمیوب قوچلی کبی زواقده طوروب طور مدیغی
و او حالده نه حرکتده بولندیغی خصوص لری بالاطراف

سؤال و تدقیق و اشیای مسروقه نك دخی جنس
مقداری و قیمتی تحقیق اولنه جقدر
قراش و امارات ایله برجنایت و جنحه به مجاسرتلری
اکلاشیلوب مجرملرک حالریله وقوع جنسایت و جنحه
دنصکره کی حالری یعنی تعیش ییتی و زاتیرلیله درجه
ثروتلری و حال و زمانلری صرفیات و حرکات سابقه
لریله صکره کی صرفیات و حرکاتی و الحاصل استطا -
عت و احوال سابقه و لاحقہ سی کندولرندن و اسحاب
وقوف و معلوماتدن صوریله جقدر
جبراً و اغفالاً هتک عرض و قوعی ادعا اولندقدده
فی الحقیقه اشبو و فعلی ارتکاب ایدن شخص
طرفندن جبر و اغفال و اخافه کبی بر معامله
وقوعبولشمیدر و ادما اولندیغی و جهله جبرک
وقوعنه حالاً و موقعاً مساعده و ارمیدر و بو حالک
کندویه جبراً و قوعنی ادعا ایدن مدعینک اوستنده
باشنده قان و یرتق و بوزنده و کوزنده و سائر یرنده
یاره و بره کبی علامت جبریه و ارمیدر و بو فعله
جرات ایدن شخصه مدعی جانبندن ممانعت
و مقاومت اجرا اولنسی و یا خود بر طرفندن
استمداد قلمسی ممکن دکلیدی و فی الحقیقه مقاومت
و ممانعت و یا استمداد ممکن اولوبده اجرا اولنماشمیدر
و بویله ایسه عدم اجرایه سبب نه اولمشدر
و ممانعت و مقاومت و قوعبولدیغی حالده فاعل
اولان شخص مدعی به غلبه ایلکه مقتدری
ایدی و بوفعله معینی و رفیقی بولنمشمیدر شوراری
دخی تحقیقات عمیقہ و سریمه اجرایی ایله میدانه

چبقارلمسی و طرفینک سن و اخلاق و سوابق احوال
و حرکات مألوفه سنک تحقیق و تدقیق اولنسی
و بویله فعل شنیع بر قز حقندده واقع اوله جغی
دعوا اولندیغی تقدیر ده بکری اذاله اولنوب
اولندیغی ونه وقت اذاله اولندیغی بیلنک
ایچون درحال قابله و یا خود اهل خبره دن
اولان نسایه معاینه ایتدیرلمسی لازمه خالدن و من
رشدده رسیده اولان خاتون قاجیریلور ایسه
اولسایده بر کونه خبر و قوعبولوب بولدیغنت
لابقیله تدقیق اولنهرق امر تحقیقده نقصان جهت
بر اغلامسی امور مفروضه دندر
هر نوع جرم قنغی سنه نك قنغی آئنده و اوآیک قاجده
کیجه می و کوندزمی واقع اولمشدر بوراسی دخی
تحقیق قلنه جقدر
ضابطه مأمورلری مأمور بترینک اهتی ایجابجه
بر جنجه و یا جنسایت و قوعنده بونلره دائر هر نوع
دلیل و اماره لری کال دقله تحری و تحقیق و بویله
جنحه و جنسایتک حین اجرا سنده یا قبل الاجرا و یا
بعد الاجرا و قوعه کلان بالجمله احوالی تفوض
و تدقیق ایدرک او محاکمه بی تسهیل ایده جنک
صورته تدقیقات واقع بی بر ورقه یه مفصلاً
ضبط و ترقیم و حین تحقیق آئنده موجود و قوعه یه
واقف بولناتلرندن ایجاب ایدنلرک عند الاقتضا معلو -
مانلرینه مراجعت اولنق اوزره اسملرینی شهرتیرله
ضبط ایله تحقیقات ورقه سنی امضا و تختیم
ایتدیروب اول ورقه بی جانب حکومت اعطا



ایده جقدر اول امرده و قوعبوله جبق
اشبو تحریرات و تحقیقاتک اکالیله برابر ضابطه
مأمورلری شبهه قویه اتنده بولسان اشخاصک
توقیفنه مباشرت ایده جقدر
مشروحات مذکورده به موافق جانب ضابطه دن
یاپلان ژورنال اساسی تحقیق اولنه جغندن حکومت
طرفندن مجلس تمیزه حواله اولنور
مستنطق میرلزندن و ضبطیه ضابطانندن و یاتفیش
مأمورلرندن برذات موجود اولدیغی حالده
مجرمک استنطاقنی غایت آچبق و هرکسک آکلیله -
جغی صورته تعبیرات ایله اجرا ایلیه جنک و ورقه
نطقیه نك سؤال یازیلی اولان جهتنک نهایی
هر دفعه سنده مستنطق ایله برلکده بولنه جق میر
و ضابط و یا مفتش امضا و تختیم ایده جکی کبی
جواب خانه سنی دخی مجرم و یاسار استنطاق
اولنان اشخاصه بعد القرائه امضا و تختیم ایتدیره -
جنک و ایتدیگی حالده سبب امتناعی کوسه تریله رک
حاضر بولنان مأمورلرک امضا و تصدیقیرله اکتفا
ایدیله جقدر و اجرای استنطاقده موجود بولنان
میر و ضابط و یا خود منتشک اسمیسنی ورقه
نطقیه نك بالاسنه یازه جقدر
برجرمک مشترک فاعلری بولنور ایسه امر استجوابی
ابتدا منفرداً اجرا و ایجابنده و اوجهه دخی ایلیله -
جقدر و ارباب جنسایتک ابتدا طوتلدیغی اتساده
و یا حکومت کوندریله جکی هنکامده یکدیگرلریله
سوزلری بی برلشدیرمکه فرصت بوله ماملر یچون

دقت نامه اجرایی ضابطه مأمورلرک بک مهم
و دقیقه سیدر
برجرمک مشترک فاعلری مذاکره و اتفاقه فرصت
بوله ماملر یچون بشته بشته محللرده توقیف و حبس
ایتدیر بله رک بر لر بله ملاقات و اختلاط ایتدیرلریوب
و استنطاقلری دخی برربر اجرا ایدیلوب لزومی
حالنده مواجهه لری اجرا اولنه جق و مخبرلر دخی
یکدیگر بله توفیق لسان ایتاملری ایچون یکان یکان
استنطاق ایدیلوب کذلک لزومی حالنده مواجهه
دخی استجواب قلنه جق و مخبرلری دیوان یا مجلس
تمیز و دعاوی میرلزندن موقع استنطاقده بولنه جق
ذات قبل الاستنطاق سو یلیه جکی شی طوغری
سو یلیه جکنه دائر کندو مذهب و آیدلری و جهله
کتابلری اوزرینه تحلیف ایدرکدن صکره مستنطق
طرفندن او میرلرک استنطاقلرینه باشلا یله جقدر
مخبر متعدد اولوبده بونلره اولنه جق اسئله نك
اجوبه سی کاملاً برکونده اخذ و قید اولنق ممکن
اوله میه جغی اکلاشیلور ایسه ایچلرندن بعضیسی
اسئله یه کسب و قوف ایدوبده و یردکلری
جوابلری دیگرلرینه تفهیم و تعلیم ایدرک مصلحتی
بوز ماملر ضمننده تصور و تهیمه اولنان اسئله
برکونده استجواب اولنه ییله جنک درجانه بالتقسیم
قصور جزو لری بوقاعده و جهله دیگر کونلره
تعلیق اولنه جقدر
بالجمله مجرمینک و مخبرین ایله سائر استنطاق
و استجواب اولان کسانک قاج یاشنده بولندقلری

ونه مقوله آدم اولد قلمر بالتحقیق استنطاق.
قنامه و مضبوطه ده توضیح اولنه جق
و بالاقتضا حبس و توقیف اولنلرک نه تار یخده
حبس و توقیف اولند قلمری دخی زیر مضابطه
و بالای استنطاقنامه یه درج قلنه جقدر

استنطاق مأمور لری توقیف اولنان شخصک بالاده
بسط و بیان اولندیغی وجهله در حال استنطاقه
مباشرت ایده جکندن بو شخص کندو حقهنده بیان
ارلنان جرمک وقوع اولدیغی زمان موقع جرمده
بولتیوب محل آخرده بولندیغی و مدخلی اولدیغی
اتهامی حقهنده سرد اولنان اماراتی جرح
ایده جک صورتده اسباب و دلائل مقبوله ایله
اثبات ایده بیلدیکی تقدیرده مستنطق در حال
استنطاقنامه نک زیرینه فلکله استنطاق یازوب
وزیرینی کندوسی ایله حین استنطاقده موجود
بولنلره مهرلدوب آمر مخصوصنه بیان کیفیتله
شخص مرقومک سیلینک تخلیه اولنمسی اول
آمر دن استیذان ایده جکدر و اگر حقهنده بعض
مرتبه شبهه حاصل اولور ایسه استیلدیکی
آنده اثبات وجود ایتمک اوزره کفالته ربط ایله
صالیور ایسنه مساعده اولنه بیله جکدر و اگر
بالعکس تهمتی حقهنده شبهه قوتلنور ایسه توقیف
و حبس اولنه رق تدقیقات استنطاقیه سنه دوام
قلنه جقدر

مستنطقک وظیفه سی هرکیم اولور ایسه اولسون
موقع استنطاقه کتور یلان شخصی ائهام ایلمک

اولیوب انجیق حقیقت خالی ظاهره اخراج
ایتمکدن عبارت ایديو کندن شخص مرقومک
استنطاقی ائناسنده حقهنده برکونه معامله شدیده
و تصدیقه اجرا ایتیه جکی کبی بو شخصی بر
وجهله اغفال و تهدید و الحاصل وعد و وعید
ایله اتهامه چالشقندن اجتناب ایده رک مرقومک
اقرار و افاداتی و تبریه ذمتی ایچون در میان
ایده جکی دلائل و اسبابی بالاستماع عینله یعنی
اغزندن چیقدیغی کبی استنطاقنامه یه قید ایتمک
مخبر و ارباب و قوف و سائر نک و الحاصل کرک
شخص متهمک معین و شریک لری اولدیغی حالده
انلرک و کرک استحصا معلومات ایچون جلب ایده جکی
سائر کسانک دخی استنطاقلرندن بو قاعده عادلینی
تمامیله کوزتمکدر دول سائر تبعه سندن اولان
شخصک اجرای استنطاقه و محاکمه لرنده قونسولانک
ترجانی بولندیله جقدر

مستنطق کرک سوء ظن تحتنده اولان شخصلر و کرک
مخبرلر حقه لرنده دقت تام ایله محققانه طوته جغی
استنطاقنامه ده جمله سنک اسم و شهرت لری و محل
تولدی و اقامتگاه ی و قنغی مذهب و ملتدن اولدیغی
و قنغی دولت تبعه سندن بولندیغی و اولاد و عیالی اولوب
اولدیغی و حال و صنعت لری و مجرم و مظلوم بیلرنده
اولان متعلقات و مناسبات و معاملاتی درج و ایضاح
ایده جک و مجرم لری ارتکاب ایتدیکی فعلی اخذ
و گرفت اولندیغی محمل لری و کندوسی بو جرمک
اجراسنه تشویق ایدن اسبابی و بو ایشده مظهری

اولان کیسه ایله وقوعی ملحوظ اولان مقابله
و مجادله یه بر دلیل اوله جق صورتده اوزرنده
برکونه اثر و علامت اولوب اولدیغی و خانه سنده نه
جنس سلاح و اشیا و اوراق بولندیغی و کندوسنک
نه حال و صفتده ایديو کنی و اسباب تعیشنک ندن
عبارت اولدیغی بیان و تصریح ایلیه جکدر
و متهم بولنان شخصک محکوم و جزا دیده سابقه لو
طابقدن اولوب اولدیغی و سابقه لی ایسه
سبقت ایدن جرمک نوع و تاریخ و وقوعی و او
جرمدن طولانی تقدر جزا کوردیکنی تحریر
ایده جکدر

کرک متهمک علیهنده و کرک لهنده اخبار کیفیت
ایدن کسه لرک دخی نه حال و صفتده اولد قلمری
و حرکات مألوفه و صنعت لری نه اولدیغی و متهم اولان
شخص ایله مناسبت و قرابت لری و در دست تدقیق
اولنان ایشده برکونه منفعت و یا مضرت لری
اولوب اولدیغی و نوجهله کچنمکده اولوب حال
و قلمری نصل ایديو کنی استنطاقده تصریح
اولنه جقدر

قتل و جرح فعل لری بعضاً فاملیا آره سنده دخی
واقع اولسی یعنی بر شخصی بابا و یا اناسنی
و یا خود قرنداشنی و بالعکس بابا و یا انا اولادینی
زوج و یا خود زوجه و یا خود اقربا بر بر لری قتل
و جرح ایتسی و بحسب القرابه دعوا یه قیام
اولنمیوب فاعلنک کتم قلمسی ملحوظ ایديو کندن
او مقوله لر آخرک و بتخصیص فوتی و قوم شو سنک
اخباری و یا خود امارات قوبه و ادله مقتضیه

ایله تبین ایده مز ایسه اول فاملیا بالاده کوستریلان
قاعده و جهله بعد التحلیف استنطاق اولنه جق
و سبب قتل و جرمک دخی تحقیقات عمیق سنه کیریشیله
رک مقتول و مقتوله نک اوضاع و اطواری ایله ائتلاف
و اعتیادی و ثروت و سامانی بالوجوه تدقیق قلنه جقدر
بو وجهله یا ایله جق استنطاقنامه نک فلکله سی
بالاسنه نوع جرمک نه اوله جغی و مدعی و مدعا
علیهک اسم و شهرتی نه ایديو کنی و قنغی دولت
تبعه سندن بولندیغی و متهمک محبوس اولوب
اولدیغی یا زیلد قدن صکره فلکله بند بند تحریر
قلنه جقدر

فلکله نک برنجی بندنده مستنطقک استنطاق ایلش
اولدیغی ماده حقهنده مدعی طرفندن استندما وار
ایسه آنک مالی و ضابطه طرفندن یا پیلان ژورنالک
مدلولی خلاصه و جهله یا زیله جق و ایکنجی بندنده
مدعینک عند الاستنطاق صورت ادعاسی تحریر
و اوچنجی بندنده متهمک اقرار و یا خود انکاری
تذییر قلنه جقدر دردیجی بندنده متهمک
و وقوعولان اقرار و انکارینک یا تصدیقنی و یا خود
تکذیبنی مبین اخبارات و افادات و تحقیقات
و تناقضات ترقیم اولنه جق و بشنجی بندنده مخبر لری
اخبارنده مبیانت و ارایسه او مبیانتک ندن عبارت
اولدیغی و اخبارات و افادات واقعه نک قبول
و عدم قبولی حقهنده متهمک الک نهایت سوز لری
تصریح قلنه جقدر

مستنطق تحقیقات و تجسسات ممکنه یی بروجه
مشروح اکمال ایديو کنی فلکله استنطاقی قلنه

الهرق امضا ویا تهر دن صکره استجواب اولنان
 کسانه بعبارتها قرانت ایدرک آنره و حاضر
 بولنانلره دخی تخیم ویا امضا ایتدیروب اجرای
 محاکمه مأمور اولان مجلس ریاستنه و بره جکدر
 بحالسک وظائف مأموریتی بحشه کلنجیه بالاده
 بیان اولندیغی اوزره کرک ضابطه و کرک استنطاق
 مأمورلی طرفلرندن تنظیم اولنان اوراق تحقیقه
 واستنطاقیه واسباب ووسائط محاکمه بی تهیه
 وتسهیله ایده جکندن اشبو محاکمه نك اجرا سنه
 مأمور اولان مجلس متهم دینیلان شخص ایله
 معینلی اولدیغی حالده آنلری و مخبر بولنانلری دخی
 جلب و تکرار استنطاق ایدرک وقوعه و لهه جق
 افاده لرینی اولکی استنطاقده سوبلدکری سوز -
 لرله بالتطبیق مبیانت کور رایسه کندولرینه تفهیم
 ایدوب اشبو مبیانتک سببی بیان ایتمکه وطوغریسنی
 سوبلتمکه آنلری مجبور ایدرک حقیقت حالی لایقیله
 و اطرافیه ظاهره اخراج ایده جکدر
 مجرملردن بعضیلری حین اخذ و کرقتنده مأمورین
 ضبطه و سائر اوراده بولنان کسان عندلرنده
 جرم لرینی اقرار ایدوب قضا مجلسنه کلنجیه تحویل
 لسان ایلمکده و بعضیلری قضا مجلسنده اقرار
 ایدرک صکره مجلس لواده انکار ایتمکده اولدقنرندن
 بعض قضا مجلسلری اصولنه موافق استنطاقنامه
 تنظیم ایتمکدنرندن ثبوت جرم کسب صعوبت
 ایدوب بلکه ناقابل درجسنه وارمغله اومثالولرک
 حین اخذ و کرقتلرنده مقر جرم اولنلرک اقراری

و محاکمه ده بشقه اخبار کیفیت ایدن مخبرلرک سوز -
 لرنده اولان مبیانتک سبب صحیحی میدانه چبقاره رق
 کرک حین استنطاقده و کرک اثنای محاکمه ده
 اخبار کیفیت ایدنلرک ایچلرنده یلان بره مخبرلک
 ایدنلر اولوبده عندالتدقیق تبین ایدرایسه اومقوله لر
 قانوناً تأدیب اولنده جقدر و مجرمک معین و فاعل
 مشترکری وار ایسه انلر ولزومی تقدیرنده مخبر -
 رایله دخی مواجهه لرلی بالاجرا بری الذمه و یا خود
 متهم اولدیغنه یقین حاصل ایتمیکده در حال مضبطه -
 سنک تنظیمیله بری الذمه اولنلرک تخلیه سیله متهم
 بولنانلرک قانون جزایه تطبیقاً تعیین مجازات لرینه حکم
 ایده جک و حکمی جزا قانوننامه همایونک قاچچی
 ماده سنه تطبیق ایلمش ایسه اوماده بی مضبطه ده
 تصریح ایلیه جکدر و اصحاب جرایمک مواجهه -
 لرنده حکم و قرار مجلس کندولرینه قرانت اولنده جقدر
 جزا قانوننامه همایونده برتفصیل کوسه ترا دیکی
 وجهله مجازاتی مستلزم اولان احوال جنسایت
 و جنحه و قباحت اعتباریله اوج نوعه و جزولری
 دخی انواع عدیده به منقسم اولمسایله مجرمینک
 درجه تهمتلری لایقیله تعیین ایتمکجه تحدید اجرا
 قابل اوله میه جغندن هر مجرمک بر فعلده نه درجه
 ذی مدخل اولدیغینک کرکی کبی میدانه چبقارلسی
 لازمه دن بولتمقله اجرای تحقیقات و محاکمته
 اصحاب جرایمک تعیین درجه مدخل لرینه پک زیاده
 دقت ایدیه جک و هر برینک درجه مدخلری
 دلایل و امارات ایله مضبطه لره ایضاحاً درج
 اولنده جقدر و طوتیله جق استنطاقنامه لر و حکیم

و یا جراح و قابله طرفندن و اهل خبره و وقوف
 جانبندن و برلمش راپوطلر محله امام و مختار لر یله
 اهالی جانبندن اعطافلنسان شهادتنامه لر و الحاصل
 استنطاق اولنان ماده یه متعلق اولان بالجمله
 اوراقک و مستنطق طرفندن یاسیله جق استنطاق
 فذلکه سنک بر نسخه لرینک بحالس قضا
 ولوا و ولایت جریده مخصوصه لرینه قید اولنده رق
 اصلری عیناً مضبطه لر یله برابر کوندربله جکدر
 و مضبطلرک قیدی بحالس میرانی طرفندن ذات مهری
 و اوراق متفرعه سنک قیوداتی بحالسه مخصوص
 مهربله مهرله جکدر

کوندربله جک مضابط و اوراق متفرعه مذکور ه سی
 مشروحات مجوئیه بی حاوی و حکم قرار مجلسی
 صراحة محتوی اولمز ایسه دیوان احکام عدلیه جه
 شایان قبول اوله میه جغندن مشروحات مزبور ه یه
 موافق تنظیم اولنقی اوزره اعاده قلته جقدر
 و بومضبطه لره تدقیقات استنطاقیه نك تفصیلاتی
 فذلکه بولنده ذکر و توضیح و مدار حکم اولان
 دلایل و امارات تعریف و تصریح اولنوب رئیس
 مجلس و کفایه اعضا طرفلرندن تخیم و والی ولایت
 جانبندن بانها تصدیق قلته جقدر و مخالف رأیده
 بولنان اعضا و رئیس سبب مخالفتنی و رأینی
 مضبطه زیرنده مهری خذاسنه مخوفاً یازه جقدر
 ایشته بوبله جه محاکمه اکیال اولندقدن و جرم ثبوت
 بولندقدن صکره اصحاب مطلوبک طلبی اوزرینه
 حقوق شخصیه و اثبات اموالده دار اولان دعوالری

لازم کلان محاکمه مأمورین اجرائیه طرفندن
بیورلدی ایله حواله اولنور

تأدیبی موجب بر فعلک قانونده صراحة جزامی
محرر اولیوب توفیق و قیاس دخی قبول ایتمدیکی
حالده فعل مذکورک وقوعبولدیغینک ثابت
اولدیغنه حکم اولنورق اوراق تدقیقه و متفرعه
سنک بر منوال محرر بامضبطه وانها ارسالیه
استیذان جزا اولنه جقدر

قلعه بندلک و کورکونقی و حبس جزا رینه مستحق
اولان مجرم محکومک اشکالی و سننی و مملکت
وصنعت واسم و شهرتی و تبعیتی مبین و قنغی
مجلسک مضبطه سیله محکوم اولدیغنی و محل
مجازاتنی ناطقونه قدر مدت جزا کوره جکنی
حای محکوم یدینه نمونه سی لفا ارسال فلنان
قوچاندن مقطوع و مجلس تمیز و دعاوی مهربله
مختوم بر پوصله و بریله جک و پوصله ده محرر اولان
شیر عینیه قوچانه دخی یازیله جقدر

بالاده بیان اولدیغنی اوزره بنه تعالی اصول
محاکمه و تفرعانه دأر در دست تنظیم بولنان
نظامنامه نك ختامنه قدر تفصیلات بسو طه
داخلنده ایضای وظیفه به همت و اعتنا ملتزم
اشبو سرد اولنان اصول و قاعده به غیر موافق
کوندریله جک مضابط وانها واستنطاقنامه
واوراق سائر نك دیوان احکام عدلیه جه قبول
اولتیوب رد قلنه جنغی مقرر بولمغله و تدقیقات
و تحقیقات لازمه ببولده اجرا ایلدیوبده ذات
مصلحتک اشعار و استعلام دوشیرلسی و جهوده

دوچار تأخرات ایدیله رك ایشك اوزرندن زمان
پکورلسی خلاف مرضی وظل معدلت ظلیل
حضرت پادشاهیده بالجمله ممالک محروسه
شاهانده اصول محاسن شمول ولایت تمیم
بیوریه رقی هر قضایه بیه متعدد مجالس تشکلی
و هر مجالسک وظائفی تفریق قلمش اولدیغه
کوره و صایای مسروده داخلنده حسن ایضی
وظیفه به لازم کلان اسباب و وسائل ده اولن
حاضر لنوب یالکز شمدی بو وسائل و وسائط
کاهی حتها استعمالیه بروجه مطلوب عالی ایشك
حسن رؤیتنه قالدیغنی امر جلی اولغله و صایای مجونه
وجهله حرکت مزدا اعتنا و ایشوشه محبتک تاریخ
وصولنک انها بیورلسی بالخاصه همت مختصر صه
و حیت ذاتیه لرینه حواله قلندی افندم

فی ۱۷ صفر سنه ۸۶ و فی ۱۷ مایس سنه ۸۵

اعلان

توقیفخانه ده جرح و قتل اولنان او طه باشی
ارتینک قتلندن و برادری ماردر بروسک کیفیت
جرحندنطولایی هیئت اتهامیده دن جنایتله اتهام
اولنان فلیب و مانول و سائر نك رفقاسندن اولوب
فرار ایدن اورته بویلی الا کوزلی تر قرال بیقلی
قهوه چی نوشهرلی لغور شمدی به دکن له
پکوریه مدیکندن اصول محاکمات جزاییه قانون
موقتک اوچیوز یتش برنجی ماده سنه توفیقاً
قانونه اطاعتله محکمه به کلک اوزره تاریخ اعلاندن

بالاعتبار جانب ریاستدن مرقومه اون کون مهل
و برلش اولغله مدت مذکوره ظرفنده محکمه به
کلدیکی تقدیرده قانونه اطاعت ایتماش نظریله
باقیله رقی محاکمه غیایه سی بالاجرا حقوق مدنیه دن
اسقاط و اموالی حجز ایدیله جکی و بو مدت ظرفنده
بر کونه دعوی اقامه سنه حقی اوله میه جنغی
و مرقومک بولندیغنی محلی بیلسر خبر و بر مکه و بالجمله ضا
بطه عدلیه مأمورلر نك کندوسنی اخذ گرفت ایتمکه
مجبور بولند قری و فراری مرقوم حقنده اخذ گرفت
امری اعطا قلندیغنی بیانیله اعلان کیفیت
ایدیلور

فی ۲۵ تشرین ثانی سنه ۳۰۲

مالیه نظارت جلیله سیله روسیه لی مراد اوغلی
بغوص اغا بیننده منازع فیه اولوب بوسه فیان
خاندنده بر او طه به موضوع اولان کوراشمت
قاریقه سی چوقه طویلرندن مقدار کلیسنی موقوف
رفیقیریه سرعت ایلدکری ادعا اولتمسندنطولایی
مظنون علیه اولوب هیئت اتهامیده دن غیاباً اتهام
اولنان اورته بویلی قره بیقلی صاغ یناغنده باره
نشانه سی موجود قره باش و قره کوزلی دوز النلی
و وسط برون واغزلی و مدور چکله لی واسم چهره لی
تخمیناً قرق یا شننده او لوب مصلاده
ایازمه زوغاغنده مجرد اوله رقی اسکان ایدن
عن اصل و انلی صراف مارقار ایله برادری سحاق
واوزون بویلی و اوزون چهره لی قرال صاج

وقاش و بیقلی والا کوزلی و بغدای بکزی و دوز
النلی اولوب مذکور مصلاجاده سنه بوسه فیانک
عقار اتنده ساکن ایکیجی حاجی بغوص نام اشخاص
وادی فرارده اولوب شمدی به دکن له
پکوریه مامس اولد قلدن اصول محاکمات جزاییه
قانون موقتک اوچیوز یتش برنجی ماده سنه
توفیقاً محکمه به کلک اوزره کندولرینه تاریخ
اعلاندن اعتباراً جانب ریاستدن اون کون مهل
و برلش اولغله مدت مذکوره ظرفنده محکمه به
کلدیکی تقدیرده قانونه اطاعت ایتماش نظریله
باقیله رقی محاکمه غیایه لر بالاجرا حقوق مدنیه دن
اسقاط و مالری حجز ایدیله جکی و بو مدت
ظرفنده بر کونه دعوی اقامه سنه حقلری اوله میه جنغی
و مرقومک بولند قری محلی بیلسر خبر و بر مکه
و بالجمله ضابطه عدلیه مأمورلر نك دخی مرقومونی
اخذ گرفت ایتمکه مجبور اولد قری بیانیله اعلان
کیفیت اولنور

فی ۲۶ تشرین ثانی سنه ۳۰۲

قابضمال فانیلی محمدک بیوک چکمهجه قضا سنه
یالوس قریه لی یومیه دیمتری ولد عنکلی ذمتنده کی
الاجنک استیفاسیچون مدیونک متصرف اولدیغنی
قریه مزبوره حدودنده دره کنارنده ایکی
قطعه ده عتیقی التی دونم ایکی اولک و جدید
ایکی دونم اون اولک اون بش مربع ارشون
باغزک نصف حصه لر بیسک یدییوز الی
غرو شده و کذلک قورق پیکار موقعنده عتیق

ایکی دوئم ایکی اولک و جدید اون سکزا اولک اوتوز
سکزمربع ارشون باغلرک ینه نصف حصه سی یدییوز
الی غرو شده و کذالک قورق پیکار موقعنده عتیق
اوج دوئم ایکی اولک و جدید بر دوئم یکر می اولک
عقسان الی مربع ارشون باغک تکمیلی بیسک
غرو شده داین مرقوم اوزرنده تقرر ایتیکله تاریخ
اعلانن اعتباراً اوتوز بر کون مدتله ایکنجی
دفعه مزادده کزدیر یله جکندن یوزده بش ضمله
طالب اولنلرک بیوک چکمهجه اجرا مأمور لغنه
مراجعت ایملری اخطار اولنور

فی ۱۷ تشرین ثانی سنه ۳۰۲

الاجنئی اولان مبالغ معلومه نك تأمین استیفاسی
ضمننده مدیون مومی الیهک مرجان اغا محله سنك
قوشا قجی خانی الت قاتنده واقع بر نومرولی
قهوه دکانی کدی ایله بش نومرولی او طه ده
یوز یکر میشر حصه اعتبار یله متصرف اولدیغی
اوز سهم حصه شایعه سی اشبو تاریخ اعلانن
اعتباراً اون کون صکره بالمزایده فروخت
اولنه جغندن طالب اولنلرک و پی سورمک استبانلرک
مدت مذکور ختامند نصکره در سعادت اعلا مات
شرعیه اجرا دائره سنه مراجعت ایملری

فی ۶ کانون اول سنه ۳۰۲

محمد نور الدین اغانک هتوم ولد ارتین ذمتنده باعلام
شرعی الاجنئی اولان مبالغ معلومه نك تأمین
استیفاسی ضمننده مدیون مرقومک باباسی متوفی
ارتیندن انتقالاً متصرف اولدیغی بلا طه ده قره باش
محله سنده واپور اسکله سی زوقاغنده واقع یکر می
طقوز نومرو ایله مرقم بر باب بربر دکانی کدکنک
یوز یکر می سهم اعتبار یله اون بش سهمی و ملککنک
درت سهم اعتبار یله بر سهمی اشبو تاریخ اعلانن
اعتباراً اون بش کون صکره بالمزایده فروخت
اولنه جغندن طالب اولنلرک و پی سورمک
استبانلرک مدت مذکور ختامند نصکره در سعادت
اعلا مات شرعیه اجرا دائره سنه مراجعت
ایملری

فی ۸ کانون اول سنه ۳۰۲

بی زبان احد فهیم افندی وزهرا خانمک مخلص بک
ذمتنده با اعلام الاجنئی اولان مبالغ معلومه نك
تأمین استیفاسی چون محجوز بولنان قاکلیجه ده واقع
طقسان درت نومرو ایله مرقم بر باب ساخنخانه
عرصه سنك نصف حصه سنك فروختی محکوم
بولنغله تاریخ اعلانن اعتباراً اون بش کون
صکره مزایده سنه مبادرت اولنه جنئی اسکدار
بدایت محکمه سی اجرا دائره سنن اعلان
اولنور

فی ۴ کانون اول سنه ۳۰۲

عایشه صدیقه خانمک کوش صوبی حسته خانه سی
خدمه سنن کنغری عثمان افندی ذمتنده با اعلام